

PERUTUSAN PENGGERUSI



TAN SRI AHMAD BADRI MOHD ZAHIR

Pengerusi

Saya amat berbesar hati kerana diberi penghormatan untuk menyampaikan sepatah dua kata dalam Laporan Tahunan 2019 selaku Pengerusi baharu KWSP, sebuah organisasi yang mempunyai sejarah pencapaian yang membanggakan dan masa hadapan yang mengujakan.

Pertama sekali, saya ingin menyampaikan penghargaan dan ucapan terima kasih kepada mantan Pengerusi yang kita sanjungi, Tan Sri Samsudin Osman, atas khidmat bakti, usaha gigih dan pencapaian hebat beliau selama ini yang menjadi penanda aras kepada pemimpin selepasnya. Kepimpinan Tan Sri sememangnya mantap, berkeyakinan dan pragmatik, dan saya akan berusaha sedaya upaya untuk meneruskan usaha beliau ketika kita melangkah ke dekad baharu.

Peralihan tugas ini berlaku ketika kita memasuki era baharu tatkala wujudnya perubahan dan ketidakpastian. Sebelum dunia dilanda wabak COVID-19, kita masih lagi di peringkat awal dalam memahami kesan yang dibawa oleh revolusi perindustrian keempat (IR4.0) terhadap cara hidup kita. Kemajuan teknologi yang pesat memacu kita ke arah masa depan dunia digital yang mengujakan namun tidak menentu, malah pada masa yang sama kita masih berdepan dengan isu-isu perubahan iklim, ketegangan politik dan cabaran ekonomi global.

Dalam keadaan yang tidak menentu ini, telah timbul hasrat agar wujudnya sumber yang dapat mengekalkan kestabilan. Sepanjang beberapa dekad yang lalu, KWSP merupakan tunjang kekukuhan dan kestabilan bagi rakyat Malaysia. Sebagai sebuah institusi yang menguruskan dana simpanan persaraan dan memberi perkhidmatan kepada lebih 14.60 juta ahli, mandat KWSP untuk melindungi simpanan mereka dalam apa jua keadaan akan membantu ahlinya untuk mencapai masa depan yang lebih baik.

PERUTUSAN Pengerusi

Saya sentiasa yakin bahawa KWSP mampu memenuhi hasrat dan harapan pihak berkepentingan kami – ahli, majikan dan seluruh anggota KWSP, dan secara tidak langsung rakyat Malaysia amnya.

Kejayaan yang diraih selama ini merupakan hasil usaha gigih dan komitmen berterusan oleh seluruh warga KWSP yang amat berkebolehan dalam mengharungi pelbagai cabaran, yang terdiri daripada ahli-ahli Lembaga yang berwibawa, pihak Pengurusan yang berdedikasi dan wira kami yang sebenar – iaitu seluruh warga kerja kami. Dalam kita mengorak langkah ke hadapan, saya yakin KWSP mampu memperkukuh kekuatan sedia ada untuk menguasai keupayaan serta hala tuju baharu ke arah mencapai visi organisasi.

Khidmat cemerlang kami harus diteruskan, ditambah baik dan diperlengkap dengan inovasi yang seiring dengan perkembangan terkini, demi memenuhi hasrat dan aspirasi negara dan ahli. Di samping itu, langkah-langkah yang wajar harus diteruskan bagi memastikan piawaian tadbir urus, ketelusan dan akauntabiliti sentiasa berada pada tahap tertinggi. Bersama-sama, kami pasti mampu menjulang KWSP ke mercu kejayaan yang lebih gemilang.

TAN SRI AHMAD BADRI MOHD ZAHIR

Pengerusi

Mulai 1 Mei 2020